

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA

Broj: T04 0 KT 0068019 26
Zenica, 17.04.2026. godine

OPĆINSKOM SUDU U ZENICI
- Sudiji za prethodno saslušanje -
ZENICA

Na osnovu člana 45. stav 2. tačka i) i člana 241. stav 1. ZKP-a F BiH, p o d i ž e m

OPTUŽNICU

Protiv:

T. M. , *neosuđivan*,

što je:

dana 14.02.2026. godine, oko 17,45 sati, u Z., u neposrednoj blizini raskrsnice U. i S., upotrebom sile spriječio službene osobe u vršenju službene radnje koju su isti poduzeli u okviru svojih ovlasti, a što je i htio, na način da je nakon što je upravljajući vozilom ... u pijanom stanju zaustavljen od strane policijskih službenika ..., B. A. i A. H., koji su uređajem za alko-testiranje nad njim izvršili alko-test, pa kada su utvrdili da u organizmu ima 2,44 promila alkohola, istom saopštili da će u skladu sa članom 224. Zakona o bezbjednosti saobraćaja na putevima biti isključen iz saobraćaja, te zadržan u ... do otrežnjenja, isti je reagovao govoreći da ga: "Niko neće lišiti slobode i da neće noćiti u pritvoru", a kada mu je policajac A. izdao naredbu da okrene leđa i stavi ruke na leđa, ovaj mu je zatvorenom pesnicom zadao udarac u predjelu desne strane lica, te ga istom rukom uhvatio za okovratnik službene jakne, nanijevši mu tom prilikom lake tjelesne povrede u vidu nagnječenje (uboj) u predjelu donje čeljusti (vilice) i istegnuće mišića vrata, nakon čega su oboje policijskih službenika istog pokušali savladati i staviti mu sredstva za vezivanje na ruke, isti je laktom lijeve ruke snažno udario ... B. A. u predio grudnog koša, nanijevši joj tom prilikom laku tjelesnu povredu u vidu nagnječenja (uboj) u predjelu grudne kosti, te je cijelo to vrijeme iste verbalno vrijeđao i psovao im majku, govoreći da će ih ubiti, nakon čega je savladan od strane ovih policijskih službenika, te priveden u ...,

čime da bi počinio krivično djelo sprečavanje službene osobe u vršenju službene radnje iz člana 358. stav 3. u vezi sa stavom 2. i 1. KZ F BiH.